



仙苑編珠序

天台道士王松年撰

松年竊詳三古之前百王之後修真學道證果成仙者何代無人抱朴子云秦大夫阮倉所記有數百人劉向撰列仙傳止於七十一人葛洪復撰神仙傳有一百一十七人松年伏按登真隱訣及元始上真記道學傳自開闢以來皆是聖帝明王作神仙宗爲造化祖何者如盤古爲元始天王天皇氏爲扶桑大帝伏羲氏爲青帝祝融氏爲赤帝軒轅氏爲黃帝少昊氏爲白帝顓頊氏爲黑帝至於高辛唐虞夏禹周穆



漢文並在仙籍松年又尋真誥棲觀傳靈驗傳八真  
傳十二真君傳近自唐梁已降接於聞見者得一百  
三十二人伏以誥傳文繁卒難尋究松年輒數蒙求  
四字比韻撮其樞要箋註於下目為仙苑編珠謹序

仙苑編珠卷上

大道自然混沌之先

天道經云有物混成先天地生寂兮寥兮獨立不改  
周行不殆可以為天下母吾不知其名字之曰道  
莊子云夫道有情有信無為無形神鬼神帝生天  
生地在大極之先而不為高在六極之下而不為  
深先天地生而不為久長於上古而不為老  
一氣凝化盤古生焉

元始上真記云昔二儀未分溟滓濛濛日月未具  
狀如雞子混沌玄黃乃有盤古真人天地之精自



號元始天王遊乎其中天形如巨蓋上無所係下  
無所根玄玄太虛無響無聲元炁浩浩如水之形  
若無此炁天地不生天地既分相去三萬六千里  
元始天王在天脊脊中住名曰玉京山山中有宮  
殿並金玉常呼吸天炁俯飲地泉忽生太玄玉女  
在石間出能言人形具足天姿絕妙號曰太元聖  
母元始君下遊見之乃招還上宮

天皇東立玉母西旋

自元始天王太元聖母還上宮之後經一劫乃生  
天皇氏治世三萬六千年受書為扶桑大帝居東

極扶桑宮為東王公今世間皇太子居東宮象此

也又生九光玄女號曰太真西王母居西極崑崙  
山故曰木公金母天地之尊神也

伏羲八卦軒后五篇

莊子云伏羲得道以襲氣母書云伏羲治世感神  
龜負圖而出乃畫八卦造書契得道為東方青帝  
莊子云黃帝得道以登天經云軒轅黃帝登峨嵋  
山遇天真皇人授以靈寶五符治世三百乃鑄鼎  
荆山鍊丹丹成有黃龍下迎羣臣同昇者七十二  
人以符藏於宛委山



顓頊元華帝嚳龍駟

道學傳云顓頊高陽氏乘結元之輦北巡幽陵南  
巡交趾西巡游沙東巡蟠木山水之神動植之類  
日月所照莫不屬焉周旋八卦諸有洞臺之山陰  
宮之丘帝召四海神使運安息國天市山寶玉封  
而鎮之鑄羽山銅爲寶鼎各獻一所於有洞之山  
莊子顓頊得道以處玄宮帝嚳高辛氏感九天真  
王三天真皇乘九龍雲輿降牧德之臺授以靈寶  
五符帝用之得道後封此符於鉅山  
虞舜得藥夏禹道川

貴誥云虞舜感北戎長胡大王獻白銀之霜十轉  
紫華服之而成仙吳越春秋云禹平洪水其功不  
就乃按黃帝中經聖人所記在乎九山東南號曰  
宛委承以文玉覆以盤石其書金簡青玉爲字編  
以白銀禹乃南巡登衡山血白馬以祭不幸所求  
乃仰天而歎赤繡衣男子云欲得我治水之方御  
龍之術可齋乎黃帝之嶽峻巖之下金簡之書在  
矣禹乃退齋季庚之日登宛委之山發石果得金  
簡玉書用以治水鑿龍門通百川天下有賴其功  
大矣今道門靈寶五符即此書也其探符處在會



稽山禹穴是也

老君無極籙祖長年

孔子曰竊比於我老彭葛仙公云老子體自然而

生生乎太無之先起乎無因經歷天地終始不可

稱載終乎無終窮乎無窮極乎無極也又云世人

謂老子當始於周代老子之號始於無數之劫其

杳杳冥冥渺邈久遠矣莊子疏云彭祖姓籙諱鏗

額項玄孫善養性能調鼎進雉羹於堯封於彭城

其道可祖故謂之彭祖神仙傳列仙傳並云歷夏

經殷七百六十歲而不衰老後西之派沙莫知其

終也故羅隱碑文云水運降靈始分輝於玄帝仙

源啓祚乃襲慶於彭墟星辰浮僕渚之陽雲鶴度

游沙之境也

廣成高卧尹喜精研

莊子云黃帝詣崆峒山謁廣成子問以理身奈何

廣成子曰善哉問乎吾語汝至道之精杳杳冥冥

至道之極昏昏默默無視無聽神將自正無勞汝

形無搖汝精乃可長生故我修之千二百歲矣而

形未嘗衰本起傳并西昇經並云關令尹喜受老

子道德五千言精研萬遍於蜀郡青羊肆隨老子



白日昇天遊四海登三清下化八十一國焉  
盧敖遊海若士冲天  
神仙傳云盧敖者燕人也秦時遊北海至于蒙谷  
之山見若士焉方迎風而舞顧見敖曰吾與汗漫  
期於九陔之上不可久乃竦身入雲中  
赤松行雨寧封隨煙  
列仙傳云赤松子者神農雨師也服水玉以教神  
農能入火隨風雨上下高辛時復為雨師今之雨  
師復是焉寧封子者為黃帝陶正有人能出五色  
煙以教封封乃積火自燒隨煙上下焉

黃山數百白石三千

神仙傳云黃山君者修彭祖之術年數百歲猶有  
少容也白石先生者中黃大夫弟子也至彭祖時  
年已三千歲矣嘗於白石山煮白石為糧故號白  
石先生

瑤水周穆槐山偃佺

列子云周穆王乘八駿日行萬里至于崑崙之山  
與王母宴於瑤池王母唱白雲之瑤玉和之也列  
仙傳云偃佺者槐山采藥人也好食松實形體生  
毛長數寸兩目正方能飛行逐走馬



醫龍師皇釣魚冠先

列仙傳云馬師皇者黃帝馬醫也。有龍下向之張口。皇曰此龍有疾。乃針其脣下。以甘草湯飲之。而愈。後數數有龍出陂。告而治之。一旦乘龍而去。冠先者宋人也。以釣魚為業。得魚或賣或放。或自食。好種薜荔。食其葩實。宋景公問其術。不告。遂殺之。數年後踞宋城門鼓琴而去。

弄玉鳴鳳蕭史回仙

列仙傳云蕭史者秦穆公時善吹簫。能致孔雀白鶴。穆公有女曰弄玉。好之。公遂妻焉。教弄玉作鳳

鳴鳳止其臺上。一旦乘鳳同去。

李文黃白沈太紅泉

神仙傳云沈文太者九嶷人也。得紅泉神丹。并土符。還年返命之道。欲之崑崙。駐安息二千餘年。以傳於李元淵。以竹根汁煮黃丹。并黃白術。去三尸法。出此二人矣。

宋倫遊空葛洪兀然

樓觀傳云宋倫字德玄。年二十二日誦五千文。服黃精白朮。感老君降授中景之道。通真之經。倫行之。望巖申步。日行三千里。凌波陟險。不由津路也。



道學傳云葛洪字稚川讀書萬卷求句漏令意在丹砂著內外篇凡一百一十六篇碑誄詩賦百卷檄章牋表三十卷神仙傳十卷良吏傳十卷隱逸傳十卷集異傳十卷抄五經史百家之言方伎雜事三百一十卷金匱藥方百卷肘後要方四卷年八十一兀然若睡而蛻

鄭遠養虎涓子剖鮮

鄭思遠葛洪之師也嘗於山巖間收得虎子兩頭其母已死君餵飼之長大俄有一雄虎來菴前乃二虎之父也三虎出入相隨驅藥囊經書隱於括

蒼山仙去列仙傳云涓子齊人餌木三百年釣於荷澤得鯉魚剖之腹內得符能致雲雨

少翁拜山采萊掃市

真誥云昔婁少翁入華山中拜山二十年遂一旦見西嶽仙人授以仙道也楚莊公時市長采萊子恒洒掃一市忽遇一乞食公唱歌萊子知是仙人乃隨之十三年遂得仙道為中嶽仙人

永伯七星王遙篋子

神仙傳云陳永伯得七星散方服之二十八日忽不知所在有兒年十一服之二十八日亦不知所



在本方云服之三十日自得仙去王遙字伯遼與人治病無不愈者並不用針藥但令坐一布帕上須臾自愈有一竹篋子長數寸有一弟子姓錢忽一夜大雨命弟子以九節竹杖擔此篋子雨中行衣不濕登山入一石室中中有二人同坐遙發篋子取玉舌簧三枚三人對鼓之良久收簧內篋中却擔迴二人謂遙曰早來莫久戀人間後百餘日遙復自擔篋子一去不復還後三十年弟子見在馬蹄山也

介君竹杖左慈木履

神仙傳介象字元則會稽人甚有道術吳大帝禮重之使作變化種瓜果皆立生可食帝思鮠魚鱠象於殿庭作一方坎著水象釣於坎中得魚帝曰蜀薑不可得象曰請差人買與五百錢象書符置竹杖中令使人騎之閉目唯聞風聲到蜀買薑迴廚人切鱠未了左慈字元放有道術孫策欲殺之驅於前慈著木履竹杖徐徐而行孫公奔馬追之常相去百步後曹公殺之唯見一束草也

老父光白剡都氣紫

神仙傳漢武帝東巡見泰山下老父頭上有白光



高數尺帝問之老父曰臣年八十五時衰老有道  
士教絕穀服木飲水并作神枕用藥三十二味臣  
今年一百八十矣日行三百里剡子都漢武帝出  
遊見其頭上有紫氣高丈餘問之對曰臣今已年  
一百三十八所行者彭祖之道也帝傳之不能行  
子都年二百餘歲服木白日昇天

河上傳經漢文得音  
葛仙公云河上公者莫知其姓名也漢孝文皇帝  
時結草為菴于河之濱常讀老子道德經文帝好  
老子之言有所不解數遣使問不告帝親詣問

之○普○天○之○下○莫○非○王○土○率○土○之○賓○莫○非○王○臣○子○雖  
有○道○由○朕○民○不○能○自○屈○何○乃○高○乎○朕○足○使○人○富○貴  
貧○賤○須○臾○河○上○公○乃○拊○掌○坐○躍○冉○冉○在○虛○空○之○中  
去○地○數○十○丈○而○答○帝○曰○余○上○不○至○天○中○不○累○人○下  
不○居○地○何○民○之○有○陛○下○焉○能○令○余○富○貴○貧○賤○帝○乃  
稽○首○禮○謝○河○上○公○遂○授○注○解○道○德○經○二○卷○與○文○帝  
婁○政○變○化○墨○子○朱○英

神○仙○傳○婁○政○治○墨○子○五○行○記○服○朱○英○九○年○八○百○餘  
歲○色○如○童○子○能○化○一○人○為○百○人○百○人○為○千○千○人○作  
萬○能○立○起○風○雲○步○行○水○上○令○水○中○魚○鼈○盡○上○岸○口



吐五色氣方十里上連天能騰身虛空無所不至  
墨子名翟宋大夫也著書曰墨子善戰守之具巧  
與公輸班較機變以雲梯不足攻采而止後入狄  
山中學道有神公授以翟朱英丸方通靈五行變  
化凡二十五卷因遊五嶽不知其終也

孫博同道班孟異名

神仙傳孫博治墨子五行術能令草木金石人物  
盡成猛火他人以水沃之終不滅須博自止之乃  
滅物皆如故不焦又能引數百身步行水上不沾  
不沒或布席坐於水上飲宴作樂又能石中來去

後入林慮山合丹仙去班孟都是女子能飛行坐  
空入地飛屋瓦指地成井能含墨噴紙成篇章飲  
酒餌丹四百餘歲後入天台山去也

王綱二氣章震五行

神仙傳天門子姓王名綱善補養之法行玄素之  
道年一百八十歲有童女之色乃服珠醴仙去入

玄洲章震者王子也師桑子精於五行之意以養

性治病消災立起風雲雷雨化草芥瓦石為六畜

龍虎能分形為數百千人步行江海能噴水成珠

玉不變能丸泥為馬日行千里能吐五色氣能投

章或云章



符召魚鼈。能使人見千里外物。能呪水治病立愈。入崆峒山合丹。白日昇天。

九靈却禍北極貴精

神仙傳九靈子姓皇名化。得還年却老胎息之道。又得五行之要。能辟五兵虎狼。伏千殃。消萬禍。專行此道。大得其効。在人間五百歲。服丹仙去。北極子姓陰名恒。得保神養性貴精之道。其要曰。以金治金。謂之真。以人治人。謂之神丹。仙去。

太陽華髮絕洞長生

神仙傳太陽子者姓離名明。得玉子之道。好酒恒

醉。五子責之。對曰。脫學性剛。俗態未除。故以酒消其驕慢耳。善修五行之道。在人間五百年。肌膚光潤。面目輝華。而鬢髮皓白也。著七寶之術。深得其要。服丹而仙。絕洞子者姓李名修。其術曰。弱能制強。陰能弊陽。常若臨深履薄。長生之道也。年四百歲。顏色不衰。著書三十篇。服還丹而仙。

陽女得妙陰女亦成

神仙傳太陽女姓朱名翼。增益五行之道。其驗得妙。年二百八十歲。色如桃花。如十七八人也。得神丹仙去。太陰女者姓盧名金。好玉子之道。未得其



妙。當鑪沽酒。遇太陽子過之。遂教以補養之術。蒸  
丹之方。服而仙去。

玄女行廚南極通靈

神仙傳太玄女者姓項名和少喪夫乃學道治玉  
子之術坐置行廚變化無所不至南極子者姓柳  
名融能含粉成雞子如真能呪杯成龜鼈殼呪水  
成美酒服雲霜丹仙去也。

奉林閉氣周君誦經

真誥云婁奉林者學道於嵩山積四百年能閉氣  
三日不息服運黃以致不死也周君兄弟三人學

道於常山中九十七年遇老人授以真經七卷三  
人共讀之忽有白鹿見二弟放經看之周君獨不  
看數滿萬遍翻然冲天二弟為看鹿經忽火起焚  
之不得冲天為心不定也。

伯真心正季道天青

真誥云姜伯真行道采藥遇仙人使平立於日中  
其影偏仙人曰子心不正因教以日出三丈時披  
心向日覺心中暖即正也伯真旦旦行之得道也  
徐季道學仙遇神仙教云子欲學道當中天青詠  
天曆躡雙白徊二赤也行之得道。



劉安接士八仙降庭

神仙傳淮南王劉安好道聞有術之士。不遠千里。

早辭厚禮以迎之。時感八仙降焉。一人能坐致風

雨。立起雲霧。一人能束縛虎豹。召致蛟龍。一人能

分形易貌。生在立亡。一人能乘虛步空。越海凌波。

一人能入火不灼。入水不濡。一人能千變萬化。恣

意所為。一人能防災度厄。長生久視。一人能剪泥

成金。凝汞為銀也。

丁鶴人語蘇鹿牛形

飛天仙經云。丁令威七歲入山求道。千年化鶴。

歸鄉。下華表柱頭。歌曰。我是昔日丁令威。學道千

年今始歸也。蘇君傳蘇耽者。彬州人也。小時牧牛。

牛化為白鹿。道得後歸鄉。駐牛脾山上。州縣官吏

同往禮謁。日暮君展黃庭經。化為大橋。直跨城門。

官吏登橋而還也。

大足地黃唐鳳石蜜

神仙傳大足服地黃得道。唐鳳服中嶽石蜜得道。

墨容黃連羨門青實

神仙傳墨容公服黃連得道。羨門子服甘菊青實

散得道。



三老鍊氣四皓餌漆

神仙傳長陵三老服陰鍊氣乃得成道又云商山四皓服九加散餌漆得道

妙真入洞暨琰飛棺

道學傳女真錢妙真幼而學道居句曲洞山年八十三誦黃庭經數滿乃與親友告別服黃白色藥了乃入燕洞經宿明晨女冠道士競往候之忽聞有雷霆之聲見龍鳳之車自西北而來載以昇天也暨慧琰居於潛天目山學道蟬蛻之後依俗禮葬之數年中忽有紫雲蓋山訇然如雷霆之聲鄉

人往看見棺版飛空上片落南村今為上片村底版落北村今為下版村兩邊版同在一處今為版同村因此昇天也

遇藥朱璜盜術女丸

列仙傳朱璜廣陽人病毒癡道士阮丘與七物藥日服九九百病愈教以誦黃庭經隨丘入浮陽山八十年鬚髮俱黑仙去如如者陳市上沽酒婦人也仙人過之寄素書五卷丸乃盜寫其文得養性之道不衰不老棄家而去不知所之

常生止雨方回印關



列仙傳平常生者數死復生在穀城鄉忽大水出所害非一。生乃登缺門山大呼言常生在此雨水五日必止如其言後數十年復為華陰門平方回者堯時隱人也鍊食雲母夏啓末為宮士為盜所劫閉之室中回化身而出更以方回印封其戶時人曰得回一丸泥關可開也

仇生木正子先竹竿

列仙傳仇生者湯時為木正食松脂自作石室仙去周武王幸其室而祀之呼子先者卜師也壽百餘歲夜有仙人持竹竿至呼子先乃與酒家姬各

騎一竹乃龍也上華陰山仙去

朱仲販珠任光賣丹

列仙傳朱仲會稽人常於市上販珠高后時求三寸珠仲獻之賜五百金魯元公主私以七白金仲獻四寸珠景帝時復獻三寸珠數十枚而去不知所在任光者上蔡人善鉅丹賣於都閭墨趙簡子聘之於柏梯山三世不知所在

牧豕商丘鑄治陶安

商丘子胥者高邑人好牧豕吹竽服朮葛蒲飲水不飢不老人世世見之三年不知所之陶安公者



六安鑄冶師也。一旦火散上紫色衝天。須臾朱雀止。治上曰安公與天通。七月七日迎汝。以赤龍至。期赤龍到。大雨安騎之而昇天。

### 黃真武陵劉阮桃源

傳云漁人黃道真武陵人。棹漁舟忽入桃源。遇洞仙劉晨阮肇。剡縣人也。採藥於天姥岑。迷入桃源。洞遇諸仙。經半年却歸。已見七代孫子。

### 初平脂鳳網花卉

神仙傳皇初平丹谿人也。年十五家遣牧羊。遇道士將入金山四十年。其兄初起尋之相遇。問羊云。

在東山往看盡是白石。初平叱之。悉化為羊。兄弟二人共服松脂茯苓。至萬日。坐在立亡。同昇天。初平改姓赤氏。號松子。初起號赤須子。今婺州赤松觀是其地也。鳳網者元陽人也。常採百草花水。漬泥封埋之。百日丸之。死者以丸內口中立活。網服藥不老仙去。

### 呂恭遇仙沈建寄婢

呂恭字文敬。少好服食。於太行山採藥。忽見三仙人曰。子好長生乎。一人姓呂。字文起。公與吾同姓。合得長生。乃隨仙人去。經二日。遂授祕方一首。曰。



汝隨吾二日已二百年也。乃還鄉。已見十餘代孫。呂習者。作道士。涕泣拜迎。遂傳其方。其家世世無有老死者。皆得仙去。沈建者。丹陽人。得導引服食之術。凡有病者。見之即愈。嘗遠行。寄二婢三奴一驢十羊。各與藥一丸。經叁年。並不飲食。建既還。乃各與一丸。藥喫。飲食如故。建乃舉身飛行。或去或還。三百年後。不知所在。

### 華生易皮樂長童子

神仙傳華子期者。師角里先生。得靈寶隱方。合而服之。日行五里。百力舉千斤。每一歲十度。易皮後。乃仙去。樂子。長老。齊人也。遇霍林仙人。授巨勝赤松散方。曰。蛇腹成龍人服。成童子。長服之。年百八十歲。色如少女。妻子九人。皆服之。老者少壯。少者不老。登勞。盛山仙去。

### 叔卿不臣伯陽示死

神仙傳中山衛叔卿。服雲母得仙。漢武帝閑居殿上。忽見一人。乘雲駕白鹿。集於殿前。帝驚問為誰。答曰。我中山衛叔卿也。帝曰。子非我臣乎。叔卿不對。忽失所在也。帝甚悔。恨魏伯陽吳人也。入山作神丹。將三弟子。一白犬。丹成。飼犬。犬死。乃自服。又



死。一弟子姓虞。服之亦死。二弟子棄之而出。伯陽乃起。將服丹。弟子并白犬而去。逢樵人。乃作書寄鄉里。并二弟子。伯陽作參同契。五篇。類凡二卷。盡神丹之旨也。

方朔歲星傳說箕尾

登貞隱訣云。東方朔字曼倩。仕漢武。服初神丸。至宣帝時。棄官。於會稽賣藥。後昇為歲星。莊子云。傳說得道。以相武丁。奄有天乘。東維騎箕尾。而比於列星。

沈羲三車安世二丸

神仙傳吳郡沈羲。學道於蜀。但能消災除病。救濟百姓。功德感天。因與妻共載。路逢白鹿車。青龍車。白虎車。騎從皆朱衣。執笏。伏劔。告羲曰。君有功能於民。董老今遣仙官下迎。有三仙人。以白玉版。青玉界。丹玉字。授羲。遂載昇天。陳安世為灌叔。朴客。每行見鳥獸。皆下道避之。未嘗殺物。年十三。叔本好道。忽有二仙人。化為書生。詣叔本。叔本不悟。待之不至。乃謂安世曰。汝好道。可教。乃與藥二丸。服之不復飲食。叔本乃反師之。安世臨昇天。乃傳其道。叔本亦仙而去。



八百歷代李阿丐市

神仙傳李八百蜀人莫知其名時人計其數已八  
百歲故呼之遊行不定知唐公房可教乃託瘡痍  
試之百藥不可云須人舐之房乃令二婢舐之不  
可房乃自為舐之不可又令妻舐之云須得美酒  
三斛浴之浴訖體如凝脂遂令公房并妻三婢並  
入酒中浴之並顏如童子乃以丹經授公房  
服仙去李阿者蜀人世世見之不老常乞食於市  
有古強者常隨之強時年十八見阿如五十許人  
至強年八十餘阿亦如故忽告人曰崑崙召吾當  
去遂不復還也

仙苑編珠卷上



仙苑編珠卷中

天台山道二王松子撰

犢子易貌桂父變容

列仙傳犢子者鄴人服松子茯苓百年時壯時老時好時醜忽牽一黃犢來過沽酒陽都家女悅之隨犢子出取桃李味皆耳美邑人伺而逐之共帝黃犢耳而走不能追也數十年見在潘山下冬賣桃李也桂父者象林人色黑時白時黃時赤常服桂并葉以龜腦和之千丸至今荊州南有桂丸也一旦飄然入雲而去



務光蒲葢阮丘薤葱

務光夏時人耳長七寸好琴服蒲葢根湯讓天下不受負石身投蓼水以自溺後四百年至武丁時復見也阮丘者蛆山上道士被髮耳長七寸口中無齒日行四百里常種葱薤百餘年人不知之

赤斧餌丹毛女餐松

赤斧者巴戎人也為碧鷄祠主簿餌丹與消石服之三十年及如童子毛髮生皆赤掌中有赤斧焉華山中毛如字玉姜自言秦宮人避難入山道士教食松葉遂不覺寒身生綠毛也

王喬控鶴陵陽釣龍

王喬字子晉好吹笙作鳳鳴道人浮丘公接上嵩山

三十年後以七月七日於緱氏山控鶴冲天仙經云仙位為侍帝晨領五嶽司桐栢真人治天台金庭洞陵陽子明者好釣魚釣得白魚腹中有書教服食法遂上黃山採五脂服之三年龍來迎上陵陽山也

黔父瓜子騎鳴守宮

黔父者南郡人居山間仙人來買瓜教以練瓜子與桂附芷實共藏至春分食之二十餘年能飛行



也。騎龍鳴者，渾亭人，年二十於池中求得龍子，狀如守宮者，千餘頭，養飼草廬以守之。龍長大，稍稍而去。後五十年，水壞其舍而去。一旦騎龍來，至渾亭。

季主長安辛亥吳越

道學傳司馬季主賣卜於長安市。時宋忠賈誼為中大夫，見之，謂曰：先生業何早乎？對曰：夫內無飢寒之累，外無劫奪之憂，處上無殺，居下無害，斯君子之道也。鳳凰不與燕雀為羣，公等何知？後宋忠抵罪，賈誼感結也。亦不知季主所在。登真隱訣云：

受西靈劍解之法。正委羽山大，有宮，服明丹之華，挹扶晨之暉，貌如女子，鬚尺三尺也。辛亥子好遊山，志願憑子晉，以昇虛，侶陵陽以步玄，故名玄子。字延期。自序云：西王母見苦行，比鄴帝愍道心，於今二百年矣。而大帝且令領東海侯，為吳越神靈之司，未得振翠衣於九霄，舞雲翔於十方也。

許邁山林龍威洞穴

真誥云：許邁，小名阿暎。道學傳云：志在往而不返，故自改名遠遊。弱冠詣郭璞筮，告曰：君元吉自天，宜學昇遐之道。乃師鮑靓，後與同志東遊名山，餌



木斷穀能閉氣千息。初止桐廬新城臨安。所在作樓閣。開後門。上山采藥。經月不返。每言映好山林。猶魚得水也。真誥云。師玉世龍服玉液。朝服精也。龍威丈人者。包山得道人也。莫知其姓。號曰隱居。吳王闔閭登包山。令隱居極洞穴之源。乃入洞。經百七十四日而返。云約行七千餘里。忽見和逕百路。處處如一。有金城。王屋。閭。爾無人。城門牌曰天后別宮。玉房之中。有一卷赤書。拜而取之。以爲信。既出。以示吳王。乃夏禹所藏靈寶五符也。

賢安耳草伯玉松屑

魏夫人傳。夫人字賢安。少多疾。清虛王真人告曰。夫學道先去疢。疢五藏之盈。肌澤髓滿。耳目聰明。乃可修習。因授耳草丸方。按而服之。百病悉愈。後得道。爲南嶽上真。司命紫虛元君也。褚伯玉。錢塘人也。年十六。家爲娶婦。婦乘車而入。先生踰垣而出。隱於天台中峯。二十年。樵人見之。在重巖之下。顏色怡怡。左右惟有松屑二畧。由是遠近知之。齊高帝徵之不起。乃移居大霍山。仙去。

神丹馬明方術葛越

神仙傳。馬明生。臨淄人也。本姓和。字君賢。少爲賊。



所傷。在路過神人。與藥救之。再生。乃師安。期先生  
因遊天下。勤苦備經。遂授與太清金液丹經。入山  
修練。藥成。未樂昇天。乃服半劑。為地仙。展轉九州。  
五百餘年。乃白日昇天。葛越者。號黃盧子。有病者  
千里。寄名與之。皆愈。禁虎狼百蟲。飛鳥皆不得動。  
使水逆上一二里。天下大旱。能召龍致雨。力舉千  
斤。行逐奔馬。頭上有五色氣。高丈餘。年二百八十  
歲。一旦乘龍而去。

嘯父乘大師門後煙

列仙傳嘯父者。少曲周市上。補履人。不知年幾。

唯見不老有人求其術。不告也。唯梁母得其作火  
法。因上三亮。以共其母別。數十炬大。而昇天也。  
師門者。嘯父弟子也。得大術。好食桃李花。為夏孔  
甲龍師。孔甲殺而埋之。一旦風迎去。而山林間煙  
火自發也。

偉道心定黃觀試全

真誥云。金衛道者。學仙在蟠塚山。十二年。仙人試  
之。以石重十萬斤。以白髮懸於空中。使偉道卧於  
下。偉道心定無疑。卧其下。十二年。遂賜神丹。白日  
冲天。黃觀子者。少好道。朝朝禮拜求長生。積四十年。



九年後入焦山中。仙人以百四十事試之，皆全。遂得金丹而誦大洞真經。白日昇天。

子主傭顧瑕丘棄捐

列仙傳。子王者，楚語而細音。詣江都王，言甯先生顧我客作三百年。問甯先生所在，云在龍眉山上。遣使往見先生，毛身廣耳，被髮鼓琴，謂曰：子主是吾比舍九世孫也。瑕丘重神者甯人也，賣藥於甯百餘年，忽地動舍壞，數十家屋臨水皆敗。仲死人取其尸棄於水中，收其藥賣之，仲乃被裘詣之取藥。棄仲尸者叩頭求仲曰：吾恨汝使人知我耳。吾

去矣。後却爲胡驪，起來至甯北，方謂之謫仙人也。

陰生丐酒客萬

陰生者，渭橋下乞人也，常於市中乞。市人厭之，以糞

灑之，衣且不汗。長吏試收繫之，以桎梏，而復在市中乞。俄而灑糞家屋，自壞，故人歌曰：見乞兒與美酒，以免破屋之咎。酒客者，梁市上酒家釀酒人也。酒美，日收萬錢，酒客佯作過失，酒家逐之，而酒酸。敗賈人多以女迎之，或去或來，百餘歲，却來爲梁丞教民種菜，云三年當大飢，果如其言。忽解印綬而去焉。



王質柯爛徐公醉眠

傳云王質者西安鄉里人也。性頗好棊。因入山採  
樵。見二仙人於石橋下棊。質乃以斧柯磔坐觀棊。  
局終乃起。斧柯已爛。歸家數百載矣。今衢州爛柯  
山是也。徐公者金華鄉里人也。入山見數人道士  
飲酒。乃與公一杯。飲訖醉卧。覺來見其地成一湖  
水。歸家已數代。孫子至今華山中有徐公湖也。

商仙游火太一浮蓮

仙傳云商丘開。字平人也。以好道居姑射山。能蹈  
水火而身不焦。或覆舟。或喫水而滅大火。善

丹青。然身常貧。客隱危氏家。諸客見商丘開。莫不  
狎侮欺詬。范氏一刺家大人。諸客莫能救。商開獨  
入火取錦。往還埃不漫。身不焦。火大熾而復對諸  
客。喫水即滅。衆方疑其神人。慙謝於商丘開。後入  
嵩山不出。及太一者。漢遺史云。武帝元狩中有日  
者。奏太一星不見。時帝召東方朔問其由。朔奏曰。  
是星不見。則遊於世。為君民福壽。帝又問何以驗  
焉。朔奏曰。陛下使人於吳方江海之濱。設禮祭而  
迎之。或乘舟。或控鶴。特異於世人者。則為驗。見則  
斫竹建壇。醮謝上帝。帝如朔奏而迎之。是月果有



會稽郡守奏海中有一个人。丫角。面如玉色。美鬋髯。裸身而腰蔽擗葉。乘一葉紅蓮。約長丈餘。偃卧其中。手執一黃書。自東北浮來。臣等焚香迎拜。俯及百步。俄爲雲霧所遮。後霧散而不知所之。遺其黃書。飄至岸側。獲之。略不濡濕。其字光明。皆天篆也。莫有識者。遂進於帝。帝令朔驗之。曰。此上界火珠經也。或曰連珠也。

李生服玉桂子癩痊

李生者名仲甫。中陽人也。學道於弘農王君。得服玉法。行遁甲乙。形步斗術。年百餘歲。每與客

對語。但聞聲而不見其形。後入西嶽不復出。又挂子者不知名。任徐州刺史。病癩十餘年。衆醫不愈。冥心念道。後遇道人于君。使休官爲于君役者。養馬三年。心不退。君與其丹。及書一百五十卷。挂服之。癩愈。年百九十歲。色若童子。自貨藥於成都。復歸西嶽不出。

方平道蔡子玄師涓

神仙傳。玉遠字方平。得道在太尉陳耽家三十餘年。一旦託形蟬蛻。後東入括蒼。過晉門蔡經家。知經有仙分。遂告以要言而去。經亦蟬蛻。後十年却



還家。以七月七日。王君後來。神仙音樂儀仗。羽蓋雲車。排空而至。王君既坐。遣人召麻姑。姑既至。各進行廚。金盤玉盃。餽饌多是諸花。香氣聞於內外。擘脯而行之。云是麟脯也。麻姑自敘接待已來。見東海三島桑田。適來蓬萊水。乃淺一半也。當鷺陸地。乎酒盡。乃命使者往餘杭阿母求酒。使迴得一壺。五斗許。麻姑鳥爪。經心中云。好爬背。聞空中行鞭。鞭經背也。君字子玄。初師琴高。又師仇先生。授以松脂方。云吾辰己二千一百歲也。後師涓子。授以制尸蟲方。行三一之道。守泥九九宮之要。以漢

元帝神爵二年三月六日。乘雲駕龍。望西北而昇天。為玄洲上卯。其涓子即甜魚獲字者。

### 三茅弟兄二許子父

登真隱訣云。大茅君字叔申。年十八。入恒山學道。師西城王君。詣龜山。得九轉還丹。至漢元帝時。仙官下降。授玉皇九錫。為太元真人。刺嶽上真。與吳越司命君治天台赤城洞。弟字季偉。服太極九轉丹。為吳越定錄君。弟字思和。所學與中茅同。為三官保命君。封掌川源。監植芝英也。晉護軍長史許穆。字玄一。南嶽元君。使揚君授上清諸法。得道為



左卿仙侯上清真人。子名翹，字道翔，亦揚君。授經得道，為侍帝晨上清真人。

茅濛，駕龍蕭貞，驅虎。

道學傳茅濛，字初成，即三茅君之高祖也。師鬼谷先生，以秦始皇三十一年於華山乘雲駕龍白日昇天也。蕭廉貞入遺山學道四十，唯餌栢葉，採諸花為丸，又取桑葉雜黃精木煎，等服年八十，白髮黑，落齒生，常誦黃庭經，每有虎伏在林前，欲起先以杖子驅虎，心已前行。

馮長，過彭彭宗師社。

樓觀傳馮長，字延壽，周宣王辟為柱下史，年四十一，退官入道，誦上清文，服人門冬，居終南山，遇彭

真人，駕白虎降於道室，授以太上隱書，以平昇天。

馮西嶽真人，彭宗，字法先，年二十，師於杜君，授丹

經五千言，雌一之道，修之有應，常有神數，技浮空

照室，能三日三夜通焉，一息能一氣，誦五千言，兩

遍，年一百五十歲，厲王時昇天，為太清真人，杜諱

冲，字玄逸，聞尹真人道後，乃居其宅舍，二十五於

此修行二十餘載，感展真人降於寢室，授以仙方

合而服之，身生玉光，周穆王時，年一百二十歲，昇



天爲太極真人者也。

王探雲昇周亮禽舞

王探字養伯。漢文帝稱爲逸人。時年三十六。恒誦五千文。每散金帛。拯濟飢寒。投財要路。繇是舍生。皆沾惠潤。感趙真人。化作狂人。累歲求乞。心無厭怠。真人哀之。授以神方。又於終南。遇太玄仙女。授以藏景化形之術。遂能與日月同光。雲霞合變。有故人謂曰。聞法師善於變化。試爲一戲乎。乃化身爲一樹。其人乃持斧斫。又化爲一石。復以火燒之。又化爲波水。復以土築之。又化爲火。復以水沃之。又

化爲一鳥。復以繩引之。又化爲猛虎。復以刃擊之。又化爲死人。於人懼而走。至數里間。復見探如舊。乃禮謝之。復化爲浮雲高昇。莫測其道也。周亮字太直。母孕經十五月而生。年十九。身長八尺。師姚坦。得道術。王子晉召與鼓琴吹笙。同遊伊洛。響金振玉。百禽率舞。年一百九十。周烈王時昇天。

東海麻姑餘抗阿姥

事具王遠蔡經篇中

葛仙靈寶上清

靈寶經云。葛仙公名玄。年十八。於天台山精思念。



道感三真人。降授靈寶諸經。金籙黃籙齋法。今修齋所請三師。即是此降經三真人也。上清經云。王君名褒。字子登。父楷。爲漢殿三老。君年三十一。入華山學道。感西梁真人。降授青精飢飯方。後入西城山。師總真王君。授上清諸法。得道。爲清虛真人。天師正一千吉太平。

正一經云。張天師諱道陵。學道於蜀鶴鳴山。時蜀中人鬼不分。災疾競起。感太上老君。降授正一盟威法。以分人鬼。置二十四治。至今民受其福。有戒鬼壇。見在神仙傳。北海人也。患癩瘡數年。百

藥不愈。見市中有賣藥公。姓名和。因往告之。乃授以素書二卷。謂以此書不但愈疾。當得長生。吉受之。乃太平經也。行之疾愈。乃於上虞釣臺鄉高峯之上。演此經。成一百七十卷。至今有太平山干谿在焉。

九鼎王長七試趙昇。神仙傳。王長。張師入室弟子也。天師告諸弟子。尔等俗態未除。其九鼎之要。唯付王長也。又有趙昇。求爲弟子。天師乃以七事試之。皆過。遂得入室。後與王長俱昇太清天中也。



少君委化伯道丹成

神仙傳李少君聞漢武好道故往見之乃密作神丹成。謂武帝曰陛下不能絕奢侈遠聲色殺伐不止喜怒不除萬里有不歸之魂市朝有漂血之形神丹大藥未可得成乃託疾而化帝恨求少君不勤也。真誥云毛伯道妻道恭謝稚堅張兆期共合神丹丹成毛先服而妻次服又死謝張見之棄丹而出迴顧見毛妻二人行在山上謝張悲愕告之得茯苓方服之皆效百歲後昇天也。

桂君養馬尹軌辟兵

神仙傳桂君者徐州刺史也忽病癩醫不愈聞于吉道乃導從執一人詣之吉曰子欲病愈乃可盡去將從駐養馬乃可桂君乃去官駐養馬三年並不見醫治不知病之愈也乃授以道術年一百九十仙去尹軌字公度常服黃精花日三合世人累代見之計已千歲晉永康中過洛陽投宿明旦謂主人曰明年當有大兵死者過半與卿一葉丸帶之可免明年果有趙王之亂死者數萬此人獨免也。

郭文探虎妻馮盜驚

東晉郭字文奉隱餘杭大辟山崑有一虎妻文前



大張其口。文知其髓。以手入喉中。探去其骨也。神  
仙傳。婁馮學於猷。立子服石桂英中嶽石黃。年三  
百歲。尤精禁術。於路逢諸賈客。被劫賊數百圍合。  
馮謂賊曰。汝徒急散。不爾當殺汝輩。賊不聽。大放  
弓箭射諸賈客。馮乃喝箭皆反中。賊身須臾大風  
拔。樹飛。砂走。石天地陡暗。賊衆一時頓地。反手背  
上。賊乃求哀乞命。馮即勅天兵放之而去。

孔安有志范蠡易名

神仙傳。孔安常。子氣。服鉛丹。年三百歲。色如童子。  
嘗謂弟子曰。吾昔在海濱漁。父乃越相范蠡也。蠡

數易姓名。哀我有三。授我祕方五篇。以得度世也。

李根眼方子皇詣生

神仙傳。李根。字子元。人世世見之。不老。壽春吳太  
文師之。得作金銀法。又能變化。入水火。致行廚。太  
文常說根。两眼瞳子。正方。仙經云。八百歲也。陳子  
皇者。年七十餘。髮白齒落。乃依方餌木。斷穀三年。  
髮盡黑。齒更生。年二百三十。仙去。

御妾婁景燒炭嚴青

婁景者。漢文帝侍郎也。從張君學道。得雲母朱英  
丸。方服之。百三十歲。如年三十人。傳其丸與王公



子年七十服之。御八十妾。生二十兒。日行三百里。飲一斗酒。年二百歲。嚴青者會稽人家。貧常在山中燒炭。忽遇仙人云。汝骨相合仙。乃以一卷素書與之。令以淨器盛之。置高處。兼教青服石腦法。青遂以淨器盛書。置高處。便聞左右常有十數人侍之。每載炭出。此神便為引船他人。但見船自行。後斷穀入小霍山去。

常在娶婦仲甫變形

李常在蜀人也。以學道人。廿世見之。計已四百歲而不老。每娶婦有。乃去。去後三十年。人見在地

肺山。更娶婦有兒。後十餘年。又忽去。人見在虎壽山下。依前娶婦不見也。李仲甫。豐邑人也。師王君服水玉。行遁甲。能隱形。年三百歲。轉少壯。其隱形或百日。或一年。與人相對。飲食但聞其聲。不見其形。其有相識人。相去五百里。以張羅為業。一旦羅得大鳥。視之。乃仲甫也。在人間三百年。入西嶽仙去。

帛和視壁趙瞿降靈

帛和。字仲理。師董先生。行氣。斷穀服木。又詣西城山師王君。君謂曰。大道之訣。非可卒得。吾暫往瀛



洲汝於此石室中可熟視石壁久久當見文字見則讀之得道矣和乃視之一年了無所見二年似有文字三年了然見太清中經神丹方三皇文五圖和誦之上口王君迴曰子得之矣乃作神丹服半劑延年無極以半劑作黃金五千斤救惠貧病也趙瞿字子榮得癩病將死其家恐相傳染乃以糧食送於深山石室中棄之瞿晝夜涕泣百餘日忽見三人入石室中瞿號泣求救神人乃以松子松脂各五斗賜之告曰服此不但疾愈當得長生瞿乃以服之疾愈凡至二年夜間滿室有光如晝

夜即見面上美女一人長三寸至三年長大如人常在左右又聞悲泣之音二百年入霍山仙去

耳始門冬黃敬赤星

耳始者善行氣不食服天門冬在世一百八十六年入王屋山仙去黃敬字伯嚴孝道於霍山思赤星在腦中如火以同一身二百餘年仙去

陳長祭水宮嵩著經

陳長者存亭嶼山六百年每四時設祭亦不飲食亦無所修人有病者與祭水飲之皆愈也宮嵩者大有文才著道書二百餘卷服雲母得地仙道後



入茅嶼山中仙去。

太賓鼓琴傳生鑽石

真誥云。周太賓有才艺。善鼓琴。昔教麋長生孫廣。田獨弦子彈而成。音真奇事也。得仙。今在蓬萊。為左卿。昔有傳先生。少好道。入焦山石室中。七年。遇南極老君。與之木鑽。使穿一盤石。厚五尺許。此石穿。便得道。生乃晝夜鑽之。積四十七年。鑽盡石穿。得金丹。昇天。為南嶽真人。

伯微崑崙廣信小白

真誥云。狂伯微者。小女道。常以日入時。正西北坐。

閉目。存見崑崙山。清二十一年。服食學道。存之不

已。又十年。閉了。乃見崑崙仙人。授金液方。得道也。

趙廣信。魏時居剡小白山。每日往長安市。賣藥。救

人。暮歸小白。時人云。朝離小白。暮返長安也。登真

隱訣云。受服氣法。守玄中之道。七十八年。後合九

華丹一服。太一遣雲駕下迎。在東華宮。

餌木玄賓善嘯成伯

真誥云。張玄賓者。師西河龍公。受餌木方。後遇真

人樊子明。授以遯變隱景之道。昔在天柱山。今來

華陽洞。為理禁伯。主雨水也。趙成伯者。善嘯嘯。如百



鳥鳴或如風激衆林或雲翔其上或冥霧飈合或  
寒雨其濛矣今在洞中主五芝金玉草

仕文降棗王喬飛舄

樓觀傳田法師名仕文年十九入道師韋君受三

洞經法挹氣吞霞兼餌白朮每遇節值庚申常捧香

登山朝謁掌設醮天降棗數枚長二寸其美異常

年七十五有旛花自空來迎去入南宮福堂也漢

玉喬者仙人也混跡為鄴令夜會仙府朝返莅事

人不知之忽一旦聽吏見雙鳧飛入廳吏以笻繫

之隨以乃喬雙鶴心

子陽桃皮高丘金液

真誥云黃子陽於道在得落山九十餘年但食

桃皮飲石中黃水遇司馬季主授以仙方得道高

丘子學道入景山五百二十年但讀黃素道經服

木合鴻丹以得地仙二百年後得金液一服而昇

太清焉中嶽真人也

來子紅泉洛下夜芝

神仙傳云肯來子服紅泉而仙洛下公服赤鳥夜

光芝而仙

張常門冬飛孟四時



張常服天門冬仙去飛孟子服四時散俱得仙  
邢子好犬木羽因兒

列仙傳云邢子者蜀人也。好犬。犬走入山穴。邢隨  
犬入。十餘宿。行數百里。上出山頂。有臺殿宮府。青  
松森然。仙吏侍衛。與邢符一函。令送與城都令喬  
君。喬發函。皆魚子也。池中養之。一年皆成龍。邢復  
隨犬往來百餘年。乃上山不還也。木羽者。母常為  
人看產。有人產子。見母而大笑。遂夜夜夢大冠素  
幘者。守此兒。云是司命君也。當令汝子木羽得仙。  
母果生兒。遂名木羽。忽一夜有車馬來呼木羽。

遂俱仙去也。

馬約神降侯楷法師

樓觀傳馬法師名儉。字元約。師孫君。受五符真文。  
三皇大字。能命召萬靈。制御群邪。凡所施用。立皆  
有驗。忽降天神告曰。法師宿有功德。名在仙錄。何  
煩祈禱。役使神靈。法師乃祕諸法術。抱一凝玄。年  
九十八。忽有白雲從西北來。直赴寢室。弟子往看。  
已見白雲。南舉漸遠。不知所詣。侯法師名楷。字法  
先年四<sup>上</sup>十。師陳寶熾。傳受真訣。謂曰。爾身佩經法。  
正宜入山。勿失時也。對曰。入山雖得妙之本。背師



乃犯科之深。願終侍奉。年五十二。方遂所修。感靈泉吐液。奇樹含煙。年八十六。仙去。

母先禽聚陳熾虎隨

母法師名始。先年十一。師牛先生受道。朝野英賢咸慕其德。所得信施。皆訪貧老。密放其家。不告姓名。又冬月常淨地一畝。布撒穀米。以救禽鳥。鳥皆群聚於庭。陳先生字寶熾。年二十一。能琴善碁。初事王法師。後於華陰師陸景真。以授玄祕。每清晨朝禮。恒有白虎。列其左右。遠逐往來。後有群虎來擊樹。以警惡人。有暴虎來。亦擊樹。時人號為考虎也。

梁謔入雲孫徹拂衣

梁謔字考誠。二十一。師鄭法師受道。視地而行。恐傷含氣。有鳥獸當路。常下路避之。年七十七。忽見雲氣彌林。乃練身入雲而去。孫徹字仲宣。年十八。師王先生。或宿空樹。或坐幽房。編葛為席。時有問者。但觀其顏色。即知吉凶。不必更陳言語。年七十。忽告弟子曰。吾須暫行。乃拂衣而出。莫知所之。同道思之。乃取其葛席置靜室中。每聞席邊有人語聲。友人聞之。又分其席也。

王義天邨尹通人歸



王法師字道義。凝神白雲之外。注心丹柱之下。重興觀宇。再啓玄門。精誠所致。遂多洞感。曾降天卮。倉庫自滿。隨取隨盈。終無耗竭。常以施人。兼營功德。遠近貧病。皆沾惠潤。年六十三。忽一旦白鹿入其庭院。或隱或見。由是而蛻凡。通字靈鑒。年二十六。師馬先生受道。服黃精。天門冬。餌雄黃丸。由是賢愚慕其至德。車馬駢闐。道俗揖其清風。冠蓋相望。荷恩之輦。皆享禮之通。悉用修諸功德。廣濟飢寒。一無所積。年一百一歲。仙化。常有神燈照室也。

蓬萊尼公太白岐暉

道學傳陳尼公者。蓬萊仙人也。服磁母石銀蠶。通千秋耳。有弟三。二人。皆得其方而仙度也。樓觀傳岐法師名暉。字平定。唐高祖初取天下。法師與道士八十人。有濟國之功。授金紫光祿大夫。已下皆授銀青。後爲國設醮。感黃雲覆壇。與香煙交合。又有兩隻白鹿。嗚叫而去。乃謂弟子曰。仙經云。欲爲仙客。入太白。遂與弟子登太白山。頗有雲霞之志焉。



山溪齋知義

書

仙苑編珠卷下

直學古刺公

直學古刺公

直學古刺公

直學古刺公

直學古刺公

直學古刺公

仙苑編珠卷下

台 山 道 生 王 松 年 撰

奇哉伯山哀矣甥女

神仙傳伯山南者入華山精思服食不老此歸鄉

里見外甥女年老多病乃與藥女服之年七十返

少色如桃花漢使見一女子答一老翁翁跪受杖

使怪而問之曰此是妾子昔舅氏伯山甫與藥不

聖昔服今年老行不如妾故答之問年幾云妾年一

百四十兒年八十七矣

劉綱次焚妻雨止劉綱者上虞縣令也與妻樊夫人



俱得道術。二人俱坐牀上。網作火燒屋。從東邊起。夫  
人作雨。從西邊上。火滅。  
聖母踰獄。孔元近水東陵。聖母者杜氏妻也。學劉綱  
術。坐在位。杜氏不信。誣以姦淫。告官付獄。聖母  
入獄。即從牕中飛出。入雲中而去。孔元者常服松  
脂茯苓。松實年更少壯。已一百七十餘歲。人或飲  
酒。請元作酒令。元乃以杖柱地。倒立。頭向下。持酒  
音倒飲。人不能為之也。乃於水邊鑿岸作一穴。方丈  
餘。止其間。斷穀。或一月兩月而出。後入西嶽得道  
也。

涉正眼光。王烈石髓。涉正字。真巴東人。說秦皇時  
事。如目前。常閉目。行亦不開。弟子數十年莫見其  
開目者。有一弟子固請開之。正乃為開目。有聲如  
霹靂。光如電。弟子皆奮地。李八百呼為四百歲小  
兒也。王烈字長休。邯鄲人。常服黃精。并鍊鉛。年二  
百三十八歲。有少容。登山如飛。少為書生。嵇叔夜  
與之遊。烈嘗入太行山。聞山裂聲。往視之。山斷數  
百丈。有青泥出。如髓。取搏之。須臾成石。如執臘之  
狀。食之。味如粳米。仙經云。神山五百歲。輒一開。其  
中有髓。得服與天地齊。畢。



焦先施薪孫登穴處焦先字孝然河東人常服白石  
以分人熟如煮芋也。日日伐薪以施與人。冬常單衣  
有火焚其菴坐不動火過菴盡衣不焦。大雪屋多  
壞人往看之不見菴乃共抄起菴乃怪在雪下氣  
如甑中。或老或少如此二百年與人別不知所往。  
孫登者止山間穴地而處好彈琴讀易冬夏單衣  
天大寒但以髮自覆髮長丈餘或市中乞錢隨以  
與貧謂嵇叔夜才優於逸倫識少於保身也。或彈  
一弦琴以成音曲亦不知其終也。  
葛由綏山王負女凡列仙傳葛由者羌人也周成王

時好刻木為羊賣之。一旦騎羊入蜀上綏山王侯  
貴人隨之不復還皆仙去。神仙傳上黨王真年七  
十九學道三十年貌少而色美徐行追奔馬魏武  
與相見似三十許人以蒸丹法授郝元節鄉里計  
真已四百餘歲乃將三少妾登女几山去。  
啜酒藥已施金陰氏神仙傳藥已蜀人也太守請為  
功曹以師事之請試術乃平生入壁中去壁外人聞  
叫虎還及已也。遷豫章太守有廟神能與人言語  
已到推社稷問其蹤由乃走往齊為書生太守以  
女妻之生一男已往齊勅一道符乃化為狸後徵



已為尚書。正旦會群臣飲酒。巴乃含酒起望西南。嚶之。奏云。臣本鄉成都市失火。故為兩枚之。帝馳驛往問之。云。正旦失火。食時有兩自東北來滅火。兩皆作酒氣也。陰長生者。新野人。聞馬明生有道。乃事之。執奴僕之禮。十餘年。乃將入青城山中。示以太清丹藥。成服半劑。與天相畢。乃以半劑煮黃土。成黃金數千斤。以施天下貧病者。在人間一百七十年。色如少女。著丹經九篇。乃白日昇天也。子訓青驪琴高。赤鯉。子訓齊人也。人莫知其道。常以信讓於人。二百餘年不老。鄉里有書生到京。諸

朝貴欲一見子訓。子訓皆許去。京千里。同時到門。計二十三家。家家皆到。言話如一。諸朝貴卻駐子訓。子訓乘青驪而出。郊外奔馬追之。常相去半里。列仙傳琴高者。趙人也。善鼓琴。為宋康王舍人。行涓彭之道。二百餘年。後涿郡水中。與弟子期乘赤鯉而仙去。

壺公賣藥長房。據市神仙傳。壺公者。不知其姓名也。汝南費長房。為市掾。時見此公。來賣藥。藥無二價。百病皆愈。得錢數十萬。隨以乞貧凍者。常懸一空。壺於座前。日入之後。乃跳入壺中。人莫之見。唯長



房於樓上見之。知其非常人也。乃朝朝掃灑。再拜進食。公受之而不謝。如此積久。長房不怠。忽一日。謂長房曰。待日暮更來。長房如其言而往。謂長房曰。見我跳入壺。汝便隨我入。長房得入壺。但見樓觀五色重門。日月明朗。侍者甚衆。謂長房曰。我仙人也。卿可教。故見我。長房隨事。三誠不過。謂曰。子不得仙道也。今以子為主者耳。乃以一竹枝與之。遣歸。如飛空到家。即投於葛陂中。自此為人除邪。魅救水旱。無所不應也。

董奉活藥劉根見鬼董奉字君異候官縣人時士藥

為交州刺史。死經三日。奉到南中。乃以三丸藥內藥口中。食頃却活。半日能作。云死時如夢中。見數十黑衣人。收入大珠門付獄。入一戶中。以土從外封之。不見光明也。忽聞人語云。太一使者召士藥。乃聞掘土聲。引出登車而覺。奉任一年。稱疾示死。後往廬山。種杏數萬株。在人間百年。乃白日昇天。劉根字君安。京兆人也。少學道。入嵩山石室中。冬凍無衣。身生綠毛。長一二尺。後潁川高太守到官。人民大疾。死者半。遣使乞除疾之術。根令於太歲洩地上。埋朱砂。當時疾氣消。後張使君到。以根為



妖遣人召來。欲大辱之。謂根曰。君有道。令人見鬼乎。根曰。能。乃請筆硯。并奏版一枚。書符扣案前。鏘然作聲。忽聞四五百人。傳呼避道。擁一科車至廳前。乃使君父母也。父母責使君不合犯神仙。致吾困辱。使君叩頭謝罪。忽失所在。根後居洞庭山。毛公壇。身生綠毛耳。

宋倫六甲杜冲九華樓觀傳。宋倫字德玄。年二十二。以周厲王時學道。誦五千文。服黃精白朮。積二十年。感老君降授靈飛六甲素奏丹符。倫行之。通感如神。言無不驗。望巖

申步日行三千里。凌波涉嶮。不由津路。年九十餘。以景王時昇仙。下司嵩山。杜冲字玄逸。年二十五。學道

祈真靜神守一。二十餘載。感展負人降授九華丹方。告曰。老君與尹真人於東海八滄山。召太帝集群真。有司舉子之勤。勅我付爾仙方。冲服之。身生玉光。以周穆王時年一百二十歲。授書為太極真人。

道憐具葉姚坦銀花道學傳。女負王憐七歲。知道市香油供養。甘蔬素不衣繒綵。受三洞經。晝夜習誦。初入龍山造宮宇。號曰玄耀。有若神三壇。東南忽



生一樹狀如籠蓋。周廡一壇。五葉相對。時人莫識。呼為貝葉。又有玉函降於壇上。有光。誦經蒲萬。有雲輿來迎。迅雷烈風。香氣滿空也。樓觀傳姚坦字元泰。平陽人。年十九。以平王元年學道。誦五千文。有驚風崩山大張口。終無怖懼。服鍊松脂。有神人授玄白回形之道。天關三圖。飛行之經。坦行之。目有神光。開如飛電。年二百一十歲。以簡王時。五月風雨晦冥。雷電激揚。天雨銀花。繽紛滿地。受書為玄洲真人。

呂尚地髓王柱神砂列仙傳呂尚避紂之亂。隱於遼

東。適周。釣於磻谿。常服澤芝地髓。年二百告亡。葬而無尸。唯有玉鈴六篇。王柱者。與道士共上宕山。

云此有丹砂。可得數萬斤。長吏知而封之。砂飛出如火。乃聽取之。與邑令章君明。餌砂三年。得神砂。飛雪。服之五年。飛行。乃俱仙去。

負局磨鏡。服閭擔瓜。列仙傳負局先生者。常負磨鏡。局於吳市中。磨鏡每一錢。與磨之。又問主人有疾否。輒出紫丸藥。與之。莫不皆愈。數年後得藥。活者計萬。不取一錢矣。人乃知仙人也。後上吳山絕崖頭。懸藥下與人。乃語人曰。吾還蓬山。為汝下神水。



一。旦。崖。頭。有。水。自。懸。下。人。服。多。愈。也。服。閭。者。常。止。莒。往。來。海。邊。遇。三。仙。人。傳。瓜。令。擔。黃。白。瓜。數。十。箇。教。閉。目。良。久。乃。在。蓬。萊。山。南。方。丈。山。上。後。還。莒。常。往。取。方。丈。山。珍。寶。珠。玉。下。賣。不。知。其。往。也。

祝。鷄。聚。禽。玄。俗。下。蛇。祝。鷄。公。者。洛。人。也。居。尸。鄉。北。山。下。養。鷄。百。餘。年。鷄。皆。有。名。字。千。餘。暮。棲。晝。放。每。呼。即。至。賣。鷄。并。子。得。錢。千。萬。皆。置。之。而。去。後。昇。吳。山。白。鷄。孔。雀。數。百。常。止。其。傍。也。玄。俗。者。自。言。河。間。人。也。常。餌。石。英。賣。藥。都。市。七。丸。一。錢。治。百。病。河。間。王。病。瘕。服。之。下。蛇。十。餘。條。而。愈。或。云。俗。無。影。王。乃。命。

於。日。中。果。無。影。王。以。女。妻。之。中。夜。而。去。不。知。所。之。陸。通。樞。實。文。賓。菊。花。陸。通。者。楚。狂。接。輿。也。好。養。性。食。

桃。榴。實。遊。諸。名。山。蜀。峨。嶺。山。上。世。世。見。之。歷。數。百。

年。不。知。其。終。文。賓。者。太。丘。鄉。人。也。賣。履。為。業。常。聚。

婦。十。餘。年。輒。棄。之。後。逢。故。嫗。年。十。九。餘。告。賓。賓。乃。

教。服。菊。花。地。膚。子。桑。寄。生。枳。子。嫗。乃。服。之。復。少。壯。也。

紫。陽。登。山。清。靈。遇。道。紫。陽。真。人。周。君。傳。云。君。字。季。通。

周。勃。七。世。孫。年。十。六。師。蘇。君。受。道。遊。行。天。下。但。是。

名。山。無。不。登。涉。得。道。受。書。為。子。陽。真。人。位。列。上。清。

清。靈。真。人。裴。君。傳。云。君。字。玄。仁。年。十。二。遇。道。人。支。



子元授以真訣五首。按而行之。五年得見日月之精。五星降房。受書為清靈真人。位列上清。

道輿得詩楊君獲棗真誥云。羊權字道輿。降女仙夢。綠華授詩數篇。無遺火浣布。手巾。金玉條脫。云此

女是九嶷山中羅郁也。宿世有過。謫在人間也。九百歲矣。楊君諱義為晉簡文相府舍人。棄官學道。

於茅山。降紫微夫人。九華安妃。贈詩兼贈棗一枚。至太元十二年。乘雲駕龍白日昇天。受書為侍帝

新晨東華上佐司命君。主司吳越神民也。焦曠青禽子。章白鳥樓觀傳茅山道士。焦曠字大度。

周武欽仰。拜為帝師。於華陰造宮巖間。湧土用足。

乃盡以石甕貯油。油盡而自滿。每有外人未謁。常有青鳥二頭來報山靈。守護猛獸衛門也。于法師

名章字長文。年七歲時讀道德經。年十一師侯法師。出家受三洞經法。手寫天文祕符一百三十六

首。逆知吉凶。年八十二而蛻。臨空之際。有白鳥一隻。騰空而翥也。

靈壽少壯。東郭光明。神仙傳靈壽光者。扶風人也。年

七十。得朱英丸方。合服之。轉更少壯。如年二十時。至建安元年。已二百二十歲矣。東郭延年者。山陽



人也。服靈飛散。能夜書。在暗室中。身生光明。照耀左右。又能見數十里內小物。知其形。在鄉里四百餘歲不老。一旦有數十人。乘虎豹來迎。昇崑崙也。李意萬里王興。隄行李。意期者。蜀人也。人有遠行。欲速到者。以符與之。并書其人兩腋下。則千里萬里。不盡日而還。王興者。陽城人也。並不知書。亦不知學道。漢武帝登嵩高山。見一人長二丈許。耳垂至肩。帝問之。曰。吾九嶷人也。聞中嶽有菡萏。一寸九節。可以長生。故採之。忽失所在。帝與郡臣皆服之。不能勤久。唯王興聞而服之。不急。至魏武帝時。猶

在。常如五十許人。甚隄行三百里。不知他道。順興。真降法樂雲生。樓觀傳李先生。字順興。京兆人。年九歲。知道師陳先生。備受道要。既得真訣。遂奉經入南山太平谷修行。忽有雲車羽蓋。騎天而下。見三大仙。授金真玉光經。七變懺天經。行之年十七。道成。年三十八。昇仙。張先生。字法樂。南陽人。卅歲師尹法師。真文寶訣。咸得付受。傳受之夕。乃感神燈慶雲之瑞。自此精思。凡經三十餘載。以其雲生。棟棟。故時人號為雲居觀焉。佯死董仲。還鄉情平。董仲君者。臨淮人也。服氣鍊形。



二百餘歲不老。曾被誣繫獄。乃佯死。須臾蟲出。獄吏乃昇出之。忽失所在。倩平者。沛人也。漢高衛平也。得道。至光武時不老。後託形尸假。百餘年却還鄉里也。

仲都耐熱。程妻致繒。王仲都者。漢中人也。漢元帝常以盛暑時暴之。統以十餘爐火而不熱。亦無汗。疑冬之月。令仲都單衣無寒色。身上氣蒸如炊。後不知所在。程偉妻者。能通神變化。偉當從駕。無時衣甚憂。妻乃置繒兩匹。從空而中。偉前偉好作黃石。經年不成。妻乃出囊中藥少許。投之。食頃。汞乃成銀。

飛散元綱。玄素容成。婁元綱服靈飛散得道。容成公行玄素之道。延壽無極。

張桑。雄黃。巢許。桂英。桑子林。張虛。並服雄黃。巢父許。鼠由。並服石桂英得道。

郝容。鹿角。秀眉。茯苓。神仙傳。郝容公服鹿角。秀眉公。餌茯苓得仙。

商丘。桃膠。青鳥。九精。商丘公服桃膠。青鳥公服九精。散成仙。

女生。鹿白。君達。牛青。魯女生。長樂人服胡麻。餌朮。八十年。日行三百里。走過麋鹿。故人與女生相別。五



十年於華山廟遇見女生乘白鹿從王女數十人也  
封君達者隴西人也服黃精兼服鉢銀百年還鄉  
如三十許人常騎青牛人不知姓氏故號為青牛  
道士也。在世二百年乃入玄丘山得道也。

離婁竹汁白兔黃精離婁公服竹汁白兔公服黃菁

而俱得道

嚴達聽琴國珍振屋樓觀傳嚴法師名達字道通扶

聚風人也師侯法師年十二日誦萬言年二十備叅

經法以隨開皇初重修宮宇度道士蒲一百二十

員至大業五年三月七日坐聽彈琴乃曰音韻入

神乃有神降可更奏一曲曲未終奄然而蛻時年

九十五也。巨法師名國珍武功人年三十捨家入

道師游法師備受道要自爾一味蔬餐幽居帶索

飢無貪味寒不思衣口常誦經心恒守一年六十

弟子侍側忽聞車馬之聲不見人物屋宇大振奄

然而蛻也。

張皓雲鶴尹澄猿鹿張皓字文明汝南人年二以漢

家永初二年入道乃遇封衡真人三試皆過遂授

青腰紫書并神丹半兩入赤城山勤修真道道成

或變為白鶴搏空而上或化為飛雲浮遊天外年



一百三十八。以魏明帝太和元年九月。仙官下迎。受書為太清高仙。又尹澄字初默。汾陰人。年二十八。恒市香燈。列於壇靜。一旦香盡。靈熏自生。油盡。玄光自照。曾入山。遇鹿傷足。乃為合藥與封。後入山。遭滯。兩絕食。忽有群鹿相依。飢則吮其乳。寒則卧其身。累日得返。又入山。遇野火。飛颯滿谷。欲避無路。有群猿連臂而下。攜至山頂。又入山。遇石芝有光。服方寸已。乃日行六七百里。又入山。遇仙人宋君。授三皇文九丹訣。年三百四十歲。以漢昭帝時仙官下迎。受書為太清仙人。

稷丘進諫武帝還宮。列仙傳。稷丘君者。泰山道士也。武帝時。以道術受賞。能令髮白返黑。齒落更生。還鄉。遇武帝東巡泰山。稷君乃冠章甫。擁琴出迎。武帝諫曰。勿上山。上必傷足。帝不聽。果傷足。指而還。鹿皮閣。險鈞翼棺。官鹿皮公者。少為府小吏。木工。能奉手成器。岑山上。有神泉。不能至。遂白府君。請木工斤斧三十人。作轉輪懸閣。梯道四間。遂止其巔。餌芝飲神泉。後蓄水泛漲。人得以免。鈞翼夫人者。齊人。姓趙。右手常拳不展。漢武收之。其手展。得一玉鈞。遂生昭帝。後武帝更葬。棺空。唯履。



在焉。

谷春却活山圖絕蹤谷春櫟陽人也。成帝時為郎。託病而亡。其尸不寒。家人不敢下釘。三年却更冠。憤坐縣門樓上。邑人大驚。開棺有衣。無尸也。駐門上三日而去。山圖者隴西人也。因乘馬蹋折脚。遇道士教服地黃。當歸。羌活。獨活。苦參。散。一年而愈。乃隨道士採藥。云十年一歸家。復去。莫知所之。壺丘夔水禦寇。馭風。列子云。壺丘子。林。列子之師也。鄭有神巫。知人吉凶存亡。壽夭如神。列子引見壺子。壺子示以波水。三變不能測而走。列子者鄭人。

也。名禦寇。得風仙之道。乘風而行。旬有五日而下。返受號沖虛真人。

馮夷。河伯。文子。漁翁。馮夷者華陰人也。服水玉。得水仙之道。為河伯也。文子者周平王時人。老君弟子也。著書十二篇。泛三江五湖。號漁父。受號通玄真人。

莊周。鯤化。桑楚。年豐。莊周字子休。宋人。著書三十三篇。其首云。北溟鯨魚。不知幾千里。化而為鵬。翼若垂天之雲。繫水三千里。一舉九萬里。至于南溟也。受號南華真人。



昌容紫草安期赤舄列仙傳昌容者常山道人也往  
來上下人見者二百餘年而顏色如二十許人能  
致紫草賣與染家得錢以遺孤老也安期先生者  
瑯琊人也賣藥于東海邊人皆言千歲翁秦始皇  
東巡見之與語三日三夜賜金璧千萬出皆置之  
而去註書并赤玉舄一量為報曰後年求我于蓬  
萊山也

馬丹迴風修羊化石馬丹者晉耿人也父侯時為大  
夫獻滅耿丹入趙至宣子時乘安車入晉靈公欲  
仕之逼不以禮有迅風發屋丹入迴風中去也修

羊公者魏人也止華陰石室中卧石塌上石穿陷  
而不食時餌黃精以道干景帝帝禮之數歲道不  
可得有詔問何日發語未訖牀上化為白石羊題  
其脅曰修羊公乃置于通陵臺復失所在

赤須知災崔文除疫赤須子者豐人也人世世見之  
數言豐界內災害水旱十不失一好食松實天門  
冬石脂齒落更生髮落更出後往吳山下不知所  
之崔子文者太山人也好道賣菜都市自三百年  
後有疫氣民死者萬計長吏有所請文乃擁朱旛  
驚黃散菜以救民飲者即愈所愈萬計後去蜀賣



黃柔如初。

神魚子英巨繭園客子英者舒鄉人善入水中捕魚。

得一赤鯉愛其異乃將歸池中。以食餵之。一年長

丈餘。生角有翅翼。子英遂拜之。魚言我來迎汝。遂

大雨。子英上魚背。昇騰而去。園客者濟陰人也。常

種五色香草。積十數年。食其實。一旦有五色蛾止

香草上。客以布薦之。生桑蠶焉。至蠶時。有女夜至

自稱客妻。與客養蠶。得一百二十箇繭。如瓮大。每

繅一繭。六十日始盡。訖則俱去。莫知所之。故濟陰

人蠶時。世世祠之。

赤將花紅。耶疏乳白。赤將子與者。黃帝時人。不食穀

而取百草花。至堯時為木工。能隨風雨上下。耶疏

者。周封史也。能行氣練形。煮石髓而服之。謂之石

鍾。乳數百年。入少室山中矣。

親葛鮑靚。祐蘇幼伯道學傳。鮑靚乃葛洪妻父。於羅

浮山俱得道。列仙傳。幼伯子者。蘇氏客也。冬常單

衣。夏常綿袴。年多益壯。時人莫知世。世來祐蘇氏

子孫得其福力也。

展公白李姜茂。五辛真誥曰。高辛時有仙人展上公者。

於伏龍地。植李彌滿林谷。今為九宮右保司。常言



云昔在華陽食白李果。羨憶之未久。忽已三千年。已巴陵侯姜叔茂者。又於山下種五果。并五辛菜。叔茂以秦孝王時封侯。今名此地為姜巴者。因地也。此人今在蓬萊為左御。

許遜拔宅時。荷登晨十二。真君傳許君名遜。字敬之。為蜀旌陽縣令。師譙母。受孝道明王法。與吳君於鍾陵洞斬蛟蜃。以晉永康二年八月十五日。四十二人拔宅昇天。時君名荷。字道陽。四明山道士也。許君昇天時。持龍節前驅于雲路。

吳猛白鹿甘戰彩麟。吳君名猛。字世雲。晉永嘉三年。

九月十五日。乘白鹿與弟子四人。一時昇天。廿君名戰。字伯武。許君弟子。長持齋戒。尤符術。偏得許君之道。以陳天建元年正月七日。乘絲麟之車。白日昇天。

持幢周廣。執羽陳勳。周君名廣。字惠常。事君執僮僕之禮。元康中執麾幢。前引許君歸舊宅。即遊帷觀也。陳君名勳。字孝舉。慕許君之道。託為旌陽縣吏。因得師于許君。為入室弟子。許君拔宅日。羽旌導于前。

曾亨。骨秀。肝烈。藥神。曾君名亨。字國興。孫登常指云。



此人骨秀。可學昇天。遂事許君。至許君昇天日。從車駕。與昇舊宅。為陽觀也。肝君名烈。字道微。早孤。從母依於許君。許君上昇時。肝君母子悲泣。乞得隨駕。許君乃與神藥。因得隨駕。部署合宅四十二人焉。施孝委付彭抗親姻。施君名峯。字太玉。小字道乙。常從許君除滅妖魅。許君凡有經典。悉皆委付許君。昇天後。忽一日見東方日中童子。執素書飛下云。真人召汝。乃隨童子。聳身入空。彭君名抗。永康中棄官事許君。君以長女妻之。永和二年八月十五日。全家二十六人。白日上昇。舊宅為宗。兼觀。

黃輔龍騎鍾嘉碧翰黃君名輔。字邕。晉陵人。許君知輔之異。遂以次女妻之。傳付妙道。後為青州從事。每夜常乘龍歸。眷屬伺之。乃一竹杖耳。後乃冲天。宅為祈仙觀。鍾君名嘉。字起。本許君仲妹之子。少孤。得仙舅之要。許君上昇後。以十月十五日。日中乘碧霞之輦而昇。宅為丹陵觀。十二真君。事盡于此。妻慶雲。舉韋儁。龍躍靈驗。傳云。妻善慶。常賣赤白二藥。不言其價。有疾皆愈。得金帛。以施孤貧。武德中。於西蜀市中。足下雲生。白日輕舉。韋善儁亦賣藥。愈疾。於人間常時。以黑犬相隨。以則。



天如意年中。過嵩嶽少林寺。請齊飯。餒犬僧怒。善  
儻乃舍水。一。噴犬化為黑龍。乘以冲天。

洞玄騰身道令。蛇殼女真。洞玄。年八十。忽一旦髮白返

黑。齒落更生。以開元二十七年。於冀州紫雲宮。乘

彩雲。白日冲天。婁道令尸解于并州太一宮。腦後

有拈身如蟬蛻也。

法善。月宮果老。北嶽葉天師。名法善。字太素。引唐玄

宗遊月宮。賈嵩有賦。張果老。開元二十二年春。自

恒州徵到。賜號通玄先生。授銀青光祿大夫。秋請

入恒州。錫賜衣服雜彩。放還北嶽。其神通變化不可

備陳云。九度見黃河清。飲酒數斛而不知醉也。

沖寂。焚香道華。偷藥謝沖寂者。華嶽道士也。志好焚

香。增至三百鑪。旦夕不闕。無香多以松栢子代之。

以梁開平三年二月。清晨有二青童。乘紫雲下迎

云。上帝召謝沖寂。乃乘雲而去。侯道韜者。中條山

道靜院道士也。師事鄧天師。天師藥成而疑。不敢

服。道華竊而服之。以大中五年五月上昇。具在唐記。

可交。登舟歸真。畫鵲玉可交者。華亭縣人也。眼有神

光。夜行如晝。乃灸眉後小空中。而光斷。以咸通十

年十一月一日。與隣人同出。顧會草市河次。見一



艘舫子。有童子喚云。王五叔要見。乃下船中。見二  
三道士對碁。云可惜。一具仙骨。各破却也。乃與栗  
子一箇。契一半。味如棗。云且上岸去。更十年後。與  
子相見。足總踏岸。乃在天台山下瀑布寺前。問時  
日。己是十一月二十七日。厲歸真者。天台縣人也。  
性嗜酒。冬夏常衣單衣。妙于水墨。見屋壁。即畫鵲。  
時人不知其得道也。以天祐三年十一月于河中  
府中條山。白日冲天。告時人曰。吾本台州唐興縣  
人也。有弟在彼。乃脫下破布衫。服星簪羽袂。而輕  
舉雲中。寥寥有簫管之聲也。

馬真昇天馮妻降鶴

馬真人名自然。鹽官人也。有篇什在世。唯縱酒于  
鄜市間。或眠積雪。或卧深水。無所不為。咸通末于  
蜀梓州酒樓上。白日冲天河中。少尹馮徽妻薛氏  
於道門修行二十餘年。以中和三年三月尸解。有  
鶴三十六隻。降所居宅院。內紫氣滿空。玄髮重生  
也。



仙苑珠編簡而不雜但楮墨有限未免遺漏太多  
暇日築一室于北倉松白石間披同道藏再為補葺  
統名曰慈闕仙班則予之大願也丙午十月十二立冬後一  
日書於昭亭堂東丁

今道門於此二不獨羊以中味三羊三其不願前

留餘何自對其白日中送向中其大無端妻籍亦

曠市間在刑辭重在自彩外無不為知與末子

德真入心自也靈首八心首靈在女也非然賦子

德真畏天德妻新靈





